

Expediente 43-L-23

Empresa: Parlamento de Galicia

María Ángeles Vidal Blanco, designada árbitro en materia electoral por Acordo do 20 de abril de 2023, da Consellería de Promoción de Emprego e Igualdade, en virtude das facultades conferidas polos artigos 76.3 do Real Decreto Legislativo 2/2015, de 23 de outubro, polo que se aproba o texto refundido da Lei do Estatuto dos Traballadores, en relación co 31 do Real Decreto 1844/1994, de 9 de setembro, polo que se aproba o Regulamento de Eleccións a Órganos de Representación dos Traballadores na Empresa; Disposición Transitoria 5ª do Real Decreto Legislativo 5/2015, de 30 de outubro, por el que se aprueba el texto refundido de la Ley del Estatuto Básico del Empleado Público, en relación ao art. 28 da Lei 9/1987, de 12 de xuño; Lei 18/1984, do 30 de xuño, pola que se modifica a normativa de eleccións ós órganos de representación do persoal ó servizo das Administracións Públicas, e o Real Decreto 1846/1994, de 9 de setembro, polo que se aproba o Regulamento de eleccións ós órganos de representación do persoal ao servizo das Administracións Públicas, dita o seguinte laudo arbitral

I. ANTECEDENTES

Primeiro.- Con data 25 de abril de 2023 tivo entrada no Rexistro Electrónico da Xunta de Galicia escrito dirixido á Xefatura Territorial da Consellería de Promoción de Emprego e Igualdade por medio do cal se procede á impugnación do proceso electoral iniciado no Parlamento de Galicia, instado por D. José Ramón Villalibre Fernández, na súa condición de Presidente Provincial da Central Sindical Independente e de Funcionarios (CSIF) coa finalidade de que se retrotraia o proceso electoral á data de publicación do censo e se inclúa no mesmo aos funcionarios que prestan servizos na oficina do Valedor do pobo.

Segundo.- A fin de garantir os principios de audiencia e contradición, en data 28 de abril de 2023, ás 11:30 horas, celebrouse a comparecencia prevista non artigo 36 do Real Decreto 1846/1994, do 9 de setembro, polo que se aproba o Regulamento de eleccións a órganos de representación do persoal ao servizo da Administración Xeral do Estado, asistindo á reunión as seguintes partes:

- En representación da Central Sindical Independente e de funcionarios comparece don José Ramón Villalibre Fernández;
- Polo Sindicato Comisións Obreiras asisten á reunión arbitral dona Carmen Botana Budiño (DNI. **6228**) e don Juan Carlos García España (DNI. **5774**).
- En representación da Central Sindical Galega se persoa don Roberto Varela Gestal (DNI. **9060**).
- Sindicato Unión Xeral de Traballadores asiste representado por don Anxo Antonio Iglesias Fernández (DNI. **2246**).
- Así mesmo, comparecen tres membros da Mesa Electoral, identificados como dona María Teresa Morandeira Reboredo (DNI. **5613**), que intervéñen en calidade de Presidenta do devandito órgano electoral; don Francisco Javier Freire González (DNI **2166**) e dona Iria Pereira Louzao (DNI. **0630**), asistidos polo Letrado do Parlamento de Galicia, don Juan Carlos Caride Puente.

CSV : PTF-aa67-5360-7980-cbe7-5242-c4ad-7448-59d7

DIRECCIÓN DE VALIDACIÓN : <https://sede.administracion.gob.es/pagSedeFront/servicios/consultaCSV.htm>

FIRMANTE(1) : MARIA ANGELES VIDAL BLANCO | FECHA : 02/05/2023 15:01 | Sin acción específica



A Central sindical Independente e de Funcionarios ratifícase no contido do seu escrito impugnatorio. Entende que a mesa electoral, coa súa decisión, incorreu nun defecto grave que afecta as garantías do proceso e ao seu resultado, ao non incluír no censo electoral do Parlamento de Galicia ao persoal funcionario adscrito á oficina do Valedor do pobo, con base na argumentación de que o artigo 10.1 da Lei 6/1984, do 5 de xuño, do Valedor do Pobo de Galicia dispón que “o persoal ao servizo do valedor do pobo considerárase persoal ao servizo do Parlamento en canto permaneza no exercicio das súas funcións. Dependerá orgánica, funcional e disciplinaríamete do Valedor do pobo e rexeráse polas normas de réxime interior previstas na disposición adicional e con carácter supletorio polo Estatuto do Persoal do Parlamento de Galicia”. Dita previsión é obxecto de desenvolvemento no art. 18 do Regulamento de Organización e Funcionamento do Valedor do Pobo.

Alúdese tamén pola parte impugnante a que nas contestacións efectuadas pola mesa electoral á reclamación do CSIF tamén se recollen os fundamentos relativos a unha sentenza do Tribunal Superior de xustiza de Galicia do ano 2003 respecto á pretensión de equiparación dun complemento dunha condutor-ordenanza integrado na oficina do Valedor do Pobo cos postos similares do Parlamento de Galicia e ao seu xuízo entende que dita sentenza ven a reforzar os seus argumentos posto que non é certo, como queda probado na mesma, que a mesa do Parlamento careza de toda competencia ou influencia respecto á relación de postos do Valedor do pobo, xa que no caso axuizado o funcionario demandante contaba co apoio do valedor do pobo que solicitaba a súa equiparación e con todo foi a mesa do Parlamento, referíndose a Resolución do 12 de decembro de 2001, quen finalmente denegou a proposta.

En apoio da súa argumentación a CSIF fai notar que existe na práctica unha equiparación entre o persoal do Valedor e o do Parlamento de Galicia, tanto en materia retributiva como nos réximes disciplinario, orzamentario e de incompatibilidade. Así mesmo, os dereitos, deberes e situacións administrativas, vacacións, incompatibilidades e licenzas do devandito persoal son as recollidas no Estatuto do Persoal do Parlamento, polo que considera a Central Sindical Independente e de Funcionarios que o persoal funcionario ao servizo do Valedor do Pobo debe incluírse no censo electoral do proceso de eleccións sindicais no Parlamento de Galicia co obxecto posibilitar a súa participación na negociación das súas condicións de traballo, tal e como dispón o artigo 65 e seguintes do Estatuto do persoal do Parlamento de Galicia, norma que é de aplicación supletoria en ausencia de norma propia.

Acto seguido confírese a quenda da palabra ao Sindicato Comisións Obreiras, intervindo na súa representación don Juan Carlos García España, quen se sitúa a favor das Resolución adoptada pola Mesa á reclamación previa presentada pola CSIF. Ao seu xuízo non debe incluírse no censo electoral do proceso seguido no Parlamento de Galicia ao persoal funcionario da oficina do Valedor do pobo pola sinxela razón de que o art. 60 do Estatuto do Persoal ao Servizo do Parlamento de Galicia establece de forma clara que “a Xunta de persoal é o órgano colexiado de representación do persoal funcionario ao servizo da Administración do Parlamento de Galicia ante os seus órganos de dirección, nos termos establecidos no seu estatuto”.

Pola súa banda, tanto a representación da Confederación Intersindical Galega como da Unión General de Trabadores, apoian a decisión da Mesa electoral con base nos mesmos argumentos contidos na resolución do devandito órgano de data do 20 de abril de 2023, dando por reproducido o seu contido ao figurar no expediente arbitral.

Por último, cédese a quenda da palabra aos membros da Mesa electoral presentes na reunión, intervindo na súa representación a presidenta, dona María Teresa Morandeira Reboredo, quen en termos xerais ven expoñer:

O Estatuto do persoal do Parlamento de Galicia, norma con rango de Lei, configura non seu artigo 60 a Xunta de Persoal da Administración do Parlamento de Galicia como ou órgano colexiado da representación do persoal funcionario ao servizo desa Administración, a cal está integrada polo persoal funcionario da Administración da Cámara en situación de servizo activo, consonte con regulado non artigo 1 das Normas reguladoras das eleccións á Xunta de Persoal da Administración do Parlamento de Galicia.



A unidade electoral na que se están celebrando eleccións é a Administración do Parlamento de Galicia da que forman parte 70 funcionarios/as que reúnen as condicións de elector e elixible.

Expón a presidenta que o persoal que presta servizos non Valedor do pobo, ocupando postos da súa RPT, non se integra "ipso facto" no Parlamento de Galicia, malia a que sexa considerado persoal ao servizo do Parlamento mentres permaneza non exercicio das súas funcións, en aplicación do disposto non art. 10 da Ley do Valedor do Pobo, debido a que a diferenza dos funcionarios da Cámara, os do Valedor do pobo dependen orgánica, funcional e disciplinaríamete deste último.

Conclúe a representación da mesa electoral que a Xunta de Persoal da administración do Parlamento de Galicia configúrase como órgano colexiado da representación do persoal funcionario ao servizo da Administración do Parlamento de Galicia, e quere facer notar que co actual marco normativo nada impide os suxeitos lexitimados configurar a oficina do Valedor do pobo como unha unidade electoral co fin de que o seu persoal dispoña de órganos de representación.

A mesa Electora achega como probas documentais as seguintes:

- Calendario electoral aprobado na sesión constitutiva da mesa electoral o día 12/04/2023.
- Acta da mesa electoral da sesión do 20/04/2023, que incorpora a resolución impugnada e o censo definitivo.
- Sentenza do Tribunal Superior de Xustiza de Galicia 855-2023, á que fai referencia a reclamación.

Os demais comparecentes non presentan probas documentais en relación o presente proceso arbitral.

II. FUNDAMENTACIÓN XURÍDICA

Primeiro.- O procedemento tramitouse ó abeiro do previsto nos artigos 28 da Lei 9/1987, do 12 de xuño, de Órganos de Representación, determinación das condicións de traballo e participación do persoal ao servizo das Administracións Públicas, e 23 e seguintes do Real Decreto 1846/1994, de 9 de setembro, polo que se aproba o Regulamento de eleccións ós órganos de representación do persoal ao servizo das Administracións Públicas, con audiencia das partes interesadas, mediante escrito razoado e resolvendo en dereito.

Segundo.- Na presente impugnación a Central Sindical Independente e de Funcionarios alega a concorrencia dun vicio grave que afecta as garantías do proceso de eleccións a órganos de representación de funcionarios desenvolto no Parlamento de Galicia, ao denegar a Mesa electoral a reclamación previa de dita Central Sindical pola que se solicitaba a inclusión no censo electoral dos funcionarios ao servizo do Valedor do Pobo.

Terceiro.- Para poder realizar unha decisión fundada en dereito compre analizar polo miúdo a normativa que resulta aplicable no presente caso. Así, o proceso electoral promoveuse no Parlamento de Galicia, cuxo persoal se rexe por un Estatuto do mesmo nome (Estatuto do persoal do Parlamento de Galicia, sendo esta unha norma con rango de Lei, adoitada no exercicio da autonomía organizativa que exerce en canto a poder público o Parlamento de Galicia e a súa finalidade é a de regular o réxime xurídico do persoal ao servizo da súa administración, o cal consta inscrito nun rexistro de persoal, de acordo ao disposto no artigo 18 da devandita norma, realizándose a ordenación de postos de traballo a través dunha relación de postos de traballo, a cal consta publicada no Diario Oficial de Galicia e da que, xa adiantamos, non forman parte os funcionarios ao servizo do valedor do pobo (feito non controvertido).

Respecto ao persoal funcionario do Parlamento de Galicia publicáronse unha serie de Acordos da Mesa do Parlamento polos que se aproban as normas reguladoras das eleccións á Xunta de Persoal da Administración do Parlamento de Galicia (Acordo da Mesa do Parlamento de 5 de



III. DECISIÓN ARBITRAL

Primeiro. Desestimar a pretensión formulada pola Central Sindical Independiente y de Funcionarios contra o proceso electoral celebrado no Parlamento de Galicia, confirmando a decisión da mesa de data 20 de abril de 2023.

Segundo. Dar traslado da presente decisión arbitral ás partes interesadas así como á Oficina Pública de Rexistro de Eleccións Sindicais da provincia da Coruña para o seu correspondente rexistro.

Terceiro. Contra o presente laudo pódese interpoñer demanda ante a Xurisdición do Social, de conformidade co disposto no art. 29 da Ley 9/1987, de 12 de junio, de Órganos de Representación, Determinación das Condicións de Traballo e Participación do Personal ó Servizo das Administracións Públicas; art. 37.4 do Real Decreto 1486/1997, de 9 de setembro, polo que se aproba o Regulamento de eleccións ós órganos de representación do persoal ao servizo das Administracións Públicas, segundo a modalidade procesual dos artigos 127 a 132 da Lei 36/2011, do 10 de outubro, reguladora da Xurisdición do Social.

A Coruña, a 2 de maio de 2023.

A ÁRBITRO NO PROCESO DE ELECCIÓNS SINDICAIS

(Asinado dixitalmente)

María Ángeles Vidal Blanco





Asinado dixitalmente por:

VALIDACION DE INFORMES MITES na data 02/05/2023 15:03:00

